

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Broj: T04 0 KT 0065203 25
Zenica, 03.11.2025. godine**

HITNO PRITVOR!

**KANTONALNI SUD U ZENICI
Sudiji za prethodno saslušanje**

Na osnovu člana 45. stav 2. tačka i) u vezi sa članom 241. stav 1. Zakona o krivičnom postupku F BiH (ZKP F BiH), podižem

O P T U Ž N I C U

Protiv:

Ž. E. ..., neosuđivan, nalazi se u pritvoru po rješenju Kantonalnog suda u Zenici broj: ... od 12.08.2025. godine, koji pritvor je produžen rješenjem Kantonalnog suda u Zenici broj: ... od 05.09.2025. godine i traje do 09.11.2025. godine, branitelj po službenoj dužnosti Vukica Marijanović – Suljić,

da je:

Dana 09.08.2025. godine, oko 20,00 sati, u Zavidovićima, u ulici ..., u porodičnoj kući, nakon verbalne prepirke sa nevjenčanom suprugom svog oca V. D., u koju prepirku se umješao i njegov otac I.I., s namjerom da smiri nastali konflikt između njega i V., pa kada je V. po I.I. uputi napustila kuću, došlo je do nove svađe i verbalnog vrijeđanja između njega i oca I.-I., a zatim da bi ga usmrtio, uzeo makaze koje su se nalazile na stalku na peći i istim napao oca I.-I. s leđa, na način da je istog zgrabio rukom, navukao na sebe i zadao mu pet ubodnih rana od čega tri ubodne rane lijeve polovine grudnog koša, ubodnu ranu u dijelu lijevog ramena i ubodnu ranu u dijelu lijeve nadlaktice, koje ubodne rane su za posljedicu izazvale nakupinu krvi i zraka u lijevom prsištu sa kompresijom tkiva lijevog pluća, a koje ozljede u svom sveukupnom djelovanju po život i zdravlje oštećenog predstavljaju teške tjelesne ozljede opasne po život, iako je znao i bio svjestan da zadajući ubode makazama u predio tijela gdje se nalaze vitalni organi može lišiti života I.-I., pa je na to i pristao, za koje vrijeme je I.-I. u strahu za svoj život glasno doživao upomoć nakon čega mu je V. dotrčala u pomoć, a E. izašao iz kuće i pritom odbacio makaze kojim je napao I.-I. na nepoznatu lokaciju.

Dakle, pokušao usmrtiti člana porodice

čime je opisanim radnjama počinio krivično djelo Ubistva iz člana 166. stav 2. tačka f) Krivičnog zakona Federacije Bosne i Hercegovine u vezi sa stavom 28. istog zakona.